

實了知一切有清諸根勝劣是為善
薩摩訶薩常應圓滿根勝劣智世尊
云何菩薩摩訶薩常應圓滿嚴淨佛
土善現若菩薩摩訶薩以無所得而
為方便嚴淨一切有情心行無所執
著是為菩薩摩訶薩常應圓滿嚴淨
佛土世尊云何菩薩摩訶薩常應圓
滿如幻等持數入諸定善現若菩薩
摩訶薩住此等持雖能成辦一切事
業而心於法都無動轉又修等持極
成熟故不作加行能數現前是為菩
薩摩訶薩常應圓滿如幻等持數入
諸定世尊云何菩薩摩訶薩常應圓
滿隨諸有情善根應熟故入諸有自
現化生善現若菩薩摩訶薩為欲成
熟諸有情類殊勝善根隨其所宜故
入諸有而現受生是為菩薩摩訶薩
隨諸有情善根應熟故入諸有自現
化生善現當知諸菩薩摩訶薩住第
九地時於此四法常應圓滿世尊云
何菩薩摩訶薩常應圓滿攝受無邊
度所大願隨有所願皆令證得善現
若菩薩摩訶薩已修六種波羅蜜多